

MINISTARSTVO UNUTRAŠNJIH POSLOVA KANTONA SARAJEVO, ulica La Benevolencija broj 16, koga zastupa ministar Ministarstva unutrašnjih poslova Kantona Sarajevo Vedran Mulabdić (u daljem tekstu Kupac)

**i
„MIBO KOMUNIKACIJE“ d.o.o Sarajevo, ul. Tvornička broj 3, koga zastupa direktor Marko Boštjančič (u daljem tekstu: Prodavac)**

zaključili su:

**UGOVOR O NABAVCI
OPREME ZA SISTEM RADIO VEZE
ZA SLUŽBENA MOTORNA VOZILA**

PREDMET UGOVORA I CIJENA

Član 1.

Predmet ugovora je nabavka opreme za sistem radio veze (DMR sistem) za službena motorna vozila Uprave policije Ministarstva unutrašnjih poslova Kantona Sarajevo i to:

- radio stanica VHF MOTOROLA SOLUTIONS DM4601e (25 kom.), Antena VHF/GPS Atelcab AT-960 VHF sa kablom i konektorima (25 kom.), ugradnja radio stanica VHF i antena VHF/GPS (25 kplt), radio stanica UHF MOTOROLA SOLUTIONS DM4601e UHF (15 kom.), Antena UHF/GPS Atelcab AT-970 UHF sa kablom i konektorima (15 kom.), ugradnja radio stanica UHF i Antena UHF/GPS (15 kplt).

Nabavka je izvršena putem otvorenog postupka, objavljivanjem obavještenja o nabavci broj 1364-1-1-53-3-54/17 od 30.11.2017. godine, na osnovu Odluke o izboru najpovoljnijeg ponuđača broj 01-14-4-19202/17 od 20.12.2017. godine.

Ponuda Prodavca broj PON-2092/17 je sastavni dio ovog ugovora.

Ukupna cijena predmetne nabavke sa PDV-om iznosi 72.557,55 KM.
(sedamdesetdvijehiljadepetstotinapedesetsedam i 55/100 KM).

GARANCIJA ZA DOBRO IZVRŠENJE UGOVORA

Član 2.

Prodavac se obavezuje da će u roku od deset (10) dana od dana obostrano potpisanog ugovora dostaviti bankarsku garanciju za uredno izvršenje ugovora u obliku bezuslovne bankarske garancije u iznosu od 10% od vrijednosti ugovora sa klauzulom plativo na prvi pisani poziv korisnika garancije i bez prava prigovora, sa rokom važnosti: rok izvršenja ugovornih obaveza + 30 dana.

ROK ISPORUKE I UGRADNJE

Član 3.

Rok za isporuku i ugradnju opreme iz člana 1. ovog ugovora je četrdesetpet (45) dana od dana potpisivanja ugovora.

NAČIN PLAĆANJA I GARANTNI ROK

Član 4.

Plaćanje izabranom ponuđaču će se izvršiti na slijedeći način:

- 30% od vrijednosti ugovora avansno, po ispostavljenoj fakturi za avans, najkasnije u roku od 30 dana od dana ispostavljanja fakture, uz prethodno dostavljenu bankarsku garanciju za pokriće avansnog plaćanja i
- 70% od vrijednosti ugovora po ispostavljenoj fakturi, najkasnije u roku od 30 dana od dana ispostavljanja fakture.

Član 5.

Garantni rok za opremu iz člana 1. ovog ugovora iznosi dvije (2) godine od dana isporuke i instalacije opreme.

Prodavac se obavezuje da će ovlaštenu servis proizvođača Motorola Solutions (MIBO KOMUNIKACIJE d.o.o) otkloniti kvar ili zamijeniti tehnički neispravnu robu/opremu u toku garantnog perioda na svim lokacijama gdje je roba/oprema montirana i instalirana, prema tehničkim specifikacijama iz tenderske dokumentacije.

RJEŠAVANJE SPOROVA

Član 6.

Ugovorne strane su saglasne da sva eventualno sporna pitanja rješavaju dogovorom, štiteći obostrane interese.

U slučaju nemogućnosti zajedničkog rješenja eventualno nastalog spora, ugovorne strane priznaju nadležnost suda u Sarajevu.

ZAVRŠNE ODREDBE

Član 7.

Ovaj ugovor izrađen je u četiri (4) istovjetna primjerka, od kojih po dva (2) zadržava svaka ugovorna strana.

Član 8.

Ugovor stupa na snagu danom potpisivanja ovlaštenih predstavnika i traje do realizacije ugovorene isporuke i ugradnje.

PRODAVAC
MIBO KOMUNIKACIJE d.o.o
SARAJEVO


direktor Marko Boštjančić



Broj : 342-17

Datum: 31.12.2017.

Broj : 01-952-14270

Datum: 31.12.2017.